

# INUIT ATAQATIGIIT

## Inatsisartuni



UPA 2017/65  
Nuuk, 17.05.2017  
Bendt B. Kristiansen

**Tasiilami timmisartunut sulusalinnut mittarfissap ingerlatseqatigiiffiup suliassaanut ilaaqqullugu Kalaallit Airport A/S-mut nalunaarutiqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Justus Hansen, Demokraatit)

Tasiilaq nunap immikkoortuani illusilluni inissisimanermigut attavilersuutitigut pittaasumik aaqqissuussiffigisariaqarpoq. Illoqarfik takornarissanit Island-ikkut orninneqarluartarpoq Kulusuk aqqutigalugu, tamannalu ilaatigut oqittuinnaasanngittoq paasinarpoq.

Kalaallit Airport A/S-imut mittarfiliassat suliakkiussaasut tassaapput nunatta avataanit aningaasalingassatut takorloorneqartut, pilersitsinermut aningaasartuutit angallattut akiliutaannit siunissami matussuserneqarumaartussatut takorloorneqartut.

Tasiilami mittarfik Kalaallit Airport-imut ilanngunniassangaluarpat ernumanartipparput Tasiilamit Tasiilamullu angallannerup akisuallaaleratarsinnaanera minnerunngittumillu Naalakkersuisut akissuteqaataat innersuussutigalugu suliamut kinguarsaataannaasutut nalilerneqarmat.

Taamak naattumik oqaaseqarluta suliaq taamak isikkoqartillugu itigartinneqassasoq inassutigaarput.

Qujanaq.